

## MINISTERIO DE EDUCACIÓN E CIENCIA

- 14332** *CORRECCIÓN de erros do Real decreto 276/2007, do 23 de febreiro, polo que se aproba o Regulamento de ingreso, accesos e adquisición de novas especialidades nos corpos docentes a que se refire a Lei orgánica 2/2006, do 3 de maio, de educación, e se regula o réxime transitorio de ingreso a que se refire a disposición transitoria decimo sétima da citada lei. («BOE» 178, do 26-7-2007.)*

Advertidos erros no Real decreto 276/2007, do 23 de febreiro, polo que se aproba o Regulamento de ingreso, accesos e adquisición de novas especialidades nos corpos docentes a que se refire a Lei orgánica 2/2006, do 3 de maio, de educación, e se regula o réxime transitorio de ingreso a que se refire a disposición transitoria decimo sétima da citada lei, publicado no «Boletín Oficial del Estado», suplemento en lingua galega número 6, do 16 de marzo de 2007, procédese a efectuar as oportunas rectificacións:

Na páxina 921, segunda columna, no artigo 37, parágrafo segundo, última liña, onde di «... de cada corpo de orixe», debe dicir: «... de cada corpo de orixe, conforme a repartición territorial que corresponda a cada Administración educativa convocante.».

Na páxina 922, primeira columna, no número 3 do artigo 39, onde di: «... e permanecerán no mesmo destino que ocupasen no corpo de procedencia.», debe dicir: «... e permanecerán, a excepción do corpo de catedrático de Música e Artes Escénicas, no mesmo destino que ocupasen no corpo de procedencia, sempre que este destino sexa do ámbito da Administración educativa convocante.».

## MINISTERIO DE INDUSTRIA, TURISMO E COMERCIO

- 14334** *CORRECCIÓN de erros do Real decreto 661/2007, do 25 de maio, polo que se regula a actividade de produción de enerxía eléctrica en réxime especial. («BOE» 178, do 26-7-2007.)*

Advertido erro no Real decreto 661/2007, do 25 de maio, polo que se regula a actividade de produción de enerxía eléctrica en réxime especial, publicado no «Boletín Oficial del Estado», suplemento en lingua galega núm. 15, do 1 de xuño de 2007, na súa redacción dada pola corrección de erros do devandito real decreto, publicada no «Boletín Oficial del Estado», suplemento en lingua galega número 21, do 26 de xullo de 2007, procédese a efectuar a oportuna rectificación:

Na páxina 1939, primeira columna, no artigo 22, número 1, parágrafo primeiro, onde di: «...que non poderá ser inferior a seis meses...», debe dicir: «...que non poderá ser inferior a doce meses...».

## MINISTERIO DE SANIDADE E CONSUMO

- 14404** *ORDE SCO/2274/2007, do 23 de xullo, pola que se modifica o anexo do Real decreto 2002/1995, do 7 de decembro, polo que se aproba a lista positiva de aditivos edulcorantes autorizados para o seu uso na elaboración de produtos alimenticios, así como as súas condicións de utilización. («BOE» 179, do 27-7-2007.)*

O Real decreto 2002/1995, do 7 de decembro, polo que se aproba a lista positiva de aditivos edulcorantes autorizados, para o seu uso na elaboración de produtos alimenticios, así como as súas condicións de utilización, incorpora ao noso ordenamento xurídico interno a Directiva 94/35/CE do Parlamento Europeo e do Consello, do 30 de xuño de 1994, relativa aos edulcorantes utilizados nos produtos alimenticios. Este real decreto foi modificado en varias ocasións, a última a través do Real decreto 2197/2004, do 25 de novembro, polo que se modifica o Real decreto 2002/1995, do 7 de decembro.

A Directiva 2006/52/CE do Parlamento Europeo e do Consello, do 5 de xullo de 2006, pola que se modifica a Directiva 95/2/CE relativa a aditivos alimentarios distintos dos colorantes e edulcorantes e a Directiva 94/35/CE relativa aos edulcorantes utilizados nos produtos alimenticios, introduce cambios na lexislación de aditivos pola autorización de uso dun novo edulcorante, eritritol (E-968).

Mediante esta disposición trasponse parcialmente ao ordenamento xurídico interno a Directiva 2006/52/CE do Parlamento Europeo e do Consello, do 5 de xullo de 2006, no que corresponde ás modificacións da Directiva 94/35/CE.

Na súa tramitación foron oídos os sectores afectados, consultadas as comunidades autónomas e emitiu informe preceptivo a Comisión Interministerial para a Ordenación Alimentaria.

Esta orde dítase de conformidade co establecido na disposición derradeira primeira do Real decreto 2002/1995, do 7 de decembro.

Na súa virtude, de acordo co Consello de Estado, dispoño:

Artigo único. *Modificación do anexo do Real decreto 2002/1995, do 7 de decembro, polo que se aproba a lista positiva de aditivos edulcorantes autorizados, para o seu uso na elaboración de produtos alimenticios, así como as súas condicións de utilización.*

O anexo do Real decreto 2002/1995, do 7 de decembro, polo que se aproba a lista positiva de aditivos edulcorantes autorizados para o seu uso na elaboración de produtos alimenticios, así como as súas condicións de utilización, modifícase nos seguintes termos:

Un. Engádesse «E-968» na primeira columna da sección relativa aos aditivos «E-420 a E-967».

Dous. Engádesse «Eritritol» na segunda columna da sección relativa aos aditivos «E-420 a E-967».

Disposición derradeira primeira. *Incorporación de dereito da Unión Europea.*

Mediante esta orde incorpórase parcialmente ao dereito español a Directiva 2006/52/CE do Parlamento Europeo e do Consello, do 5 de xullo de 2006, pola que se modifica a Directiva 95/2/CE relativa a aditivos alimentarios distintos dos colorantes e edulcorantes e a Directiva 94/35/CE relativa aos edulcorantes utilizados nos produtos alimenticios.

Disposición derradeira segunda. *Entrada en vigor.*

Esta orde entrará en vigor o día seguinte ao da súa publicación no «Boletín Oficial del Estado».

Madrid, 23 de xullo de 2007.–O ministro de Sanidade e Consumo, Bernat Soria Escoms.

## MINISTERIO DE AGRICULTURA, PESCA E ALIMENTACIÓN

**14487** *ORDE APA/2289/2007, do 26 de xullo, pola que se establecen medidas específicas de protección en relación coa lingua azul. («BOE» 180, do 28-7-2007.)*

A lingua azul ou febre catarral ovina é unha enfermidade incluída no Código Zoonosanitario Internacional da Organización Mundial da Sanidade Animal (OIE) e na lista de enfermidades de declaración obrigatoria da Unión Europea. As medidas específicas de loita contra a enfermidade están reguladas polo Real decreto 1228/2001, do 8 de novembro, polo que se establecen medidas específicas de loita e erradicación da febre catarral ovina ou lingua azul.

Desde o ano 2004 o sudoeste da Península Ibérica viuse afectada pola circulación viral do serotipo 4 de virus causante desta enfermidade, adoptándose as medidas adecuadas desde entón para o seu control e erradicación, incluíndo a existencia dun programa de vacinación fronte ao mencionado serotipo.

As medidas de protección a nivel comunitario foron adoptadas mediante a Decisión 2005/393/CE da Comisión, do 23 de maio de 2005, relativa ás zonas de protección e vixilancia en relación coa febre catarral ovina e as condicións que se aplican aos traslados de animais desde estas zonas ou a través delas, cuxa última modificación, polo que respecta ás zonas restrinxidas en relación coa febre catarral ovina en España e Alemaña, a constitúe a Decisión 2007/28/CE da Comisión, do 22 de decembro de 2006.

De acordo coa Lei 8/2003, do 24 de abril, de sanidade animal, e sen prexuízo das medidas adoptadas pola Comisión Europea, mediante a Orde APA/3411/2004, do 22 de outubro, establecéronse medidas específicas de carácter urxente respecto da lingua azul, ante a súa aparición no territorio peninsular español no ano 2004. Estas medidas foron posteriormente modificadas, á vista da evolución da enfermidade, e seguindo o criterio ao respecto do grupo de expertos previsto no plan de intervención a que se refire a disposición adicional única do Real decreto 1228/2001, do 8 de novembro, polo que se establecen medidas específicas de loita e erradicación da febre catarral ovina ou lingua azul, mediante sucesivas ordes ministeriais, sendo a última a Orde APA/1128/2007, do 26 de abril, pola que se establecen medidas específicas de protección en relación coa lingua azul, ante o reinicio da actividade continuada de *Culicoides imicola* nas zonas cualificadas anteriormente como «estacionalmente libres».

Non obstante, a detección no sur de España durante o mes de xullo de 2007 dun novo illamento do virus da lingua azul, caracterizado por técnicas de laboratorio como dentro do serotipo 1 deste virus, fai necesario modificar en parte a estratexia de loita contra esta enfermidade en España, dado que de momento non existe dispoñible vacina inactivada fronte ao mencionado serotipo 1. En consecuencia, procede á adopción dunha nova orde que regula as medidas de loita e control da enfermidade,

adaptándose á nova situación epidemiolóxica xerada pola aparición do serotipo 1 do virus da lingua azul no sur de España.

Débense establecer dous tipos de zonas restrinxidas en España: unha zona restrinxida na cal as mostras tomadas de acordo co Programa nacional de vixilancia serolóxica fronte á lingua azul, que demostrou, polo momento, só a circulación do serotipo 4 do virus da lingua azul en anos precedentes, e outra zona en que se demostrou ademais a circulación do serotipo 1 durante o ano 2007. O movemento para vida cara á zona libre de animais sensibles desde explotacións situadas en ambas as zonas restrinxidas, estará suxeito ao réxime normal de movementos previsto na normativa comunitaria.

Na súa virtude, e ao abeiro do establecido no artigo 8 da Lei 8/2003, do 24 de abril, e na disposición derradeira segunda do Real decreto 1228/2001, do 8 de novembro, dispoño:

Artigo 1. *Obxecto e ámbito de aplicación.*

O obxecto desta orde é establecer medidas específicas de protección contra a lingua azul, de aplicación a todo o territorio nacional.

Artigo 2. *Definicións.*

1. Para os efectos desta orde, serán de aplicación as definicións previstas no artigo 3 da Lei 8/2003, do 24 de abril; no artigo 2 do Real decreto 1228/2001, do 8 de novembro, polo que se establecen medidas específicas de loita e erradicación da febre catarral ovina ou lingua azul, e no artigo 2.a) do Real decreto 1939/2004, do 27 de setembro, polo que se regula a cualificación sanitaria das gandarías de reses de lida e o movemento dos animais pertencentes a estas.

2. Así mesmo, entenderase como:

a) Zona restrinxida por serotipo 1 e 4 do virus da lingua azul (zona restrinxida S-1-4): provincias e comarcas incluídas no anexo III A.

b) Zona restrinxida por serotipo 4 do virus da lingua azul (zona restrinxida S-4): provincias e comarcas incluídas no anexo III B.

c) Zona libre: o resto do territorio nacional.

d) Espectáculo taurino: os clasificados así no artigo 25 do Real decreto 145/1996, do 2 de febreiro, polo que se modifica e se lle dá nova redacción ao Regulamento de espectáculos taurinos.

e) Posto de control: o lugar en que se interrompe o traxecto para facer que descansen, alimentar ou abeberar os animais.

Artigo 3. *Requisitos para movementos con destino a vida dentro de España desde as zonas restrinxidas S-1-4 e S-4.*

1. Todo movemento para vida dos animais das especies sensibles, procedentes de explotacións situadas na zona restrinxida S-1-4 con destino á zona restrinxida S-4 ou á zona libre da mesma ou distinta comunidade autónoma, así como todo movemento destas especies procedentes de explotacións situadas na zona restrinxida S-4 con destino á zona libre da mesma ou distinta comunidade autónoma poderase realizar co cumprimento dos seguintes requisitos xerais:

a) Os animais que se vaian transportar non presentarán signos clínicos de lingua azul o día do seu transporte.

b) Os animais serán transportados en vehículos de transporte que deberán ser desinsectados antes da carga.

No caso de movemento de animais transhumantes vacinados de acordo co establecido no anexo I, estes